



## Ned ning sēn yōga mam koomã yōgb buudu, rē poorē, n puus rakaar a yiibu, n ka tags dūni yel a pugē, Wēnd yaafda a zūnuub sēn reng taoore

Yii a Humraan sēn yaa a ‘Usmaan [bn ‘Affaan neemã-lalldã, a yeelame ti yē yãa a ‘Usmaan [bn ‘Affaan t'a kit ti b wa ne Puus laaga, t'a kull n kiig a nus a yiibã n pek-b noor a tãabo, rē poorē t'a rik a ritgã n tum koomã pugē, n yãk n wuk a noorã la a fēes a yōyã, la a fēes n yiisi, rē poorē t'a pek a nengã noor a tãabo la a nus a yiibã n ti tãag kãntusē wã, noor a tãabo, n yaool n saag a zugã, rē poorē t'a pek nao a yiibã fãa gill noor a tãabo, n yaool n yeele: mam yãa Nabiyaamã (Wēnd puusg la A tigr be a yīnga) t'a maand wala mam sēn yōgd koomã to-to wã, la a yeele: «Ned ning sēn yōga mam koomã yōgb buudu, rē poorē, n puus rakaar a yiibu, n ka tags dūni yel a pugē, Wēnd yaafda a zūnuub sēn reng taoore».

[Naṣun Ṣahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

A ‘Usmaane, (Wēnd yard be a yīnga) a wilga Nabiyaamã (Wēnd puusg la A tigr be a yīnga) koomã yōgb bilgr sēn yaa a soaba, sēn tū ne maan ti b gese, sēn na yilē ti vēnegrã ta teka, rēnd a kitame ti b wa ne Puus-laag ne koom, t'a pudg n kiig a nus a yiibã noor a tãabo, rē poorē a rika a ritg nugã n tum laagē wã, n yiis koomã n ning a noorē, n lebg n pursi, rē poorē t'a fōog koomã ne a yōorã, rē poorē, n yiis-a n fēese, rē poorē t'a pek a nengã noor a tãabo, rē poorē t'a pek a nus a yiibã n ti tãag kãntusã, noor a tãabo, rē poorē t'a saag a nusã ne a zugã t'a nusã yaa sēn madag ne koom vugri, rē poorē t'a pek a nao a yiibã, n tug n tãag nao-kugã noor a tãabo. La a sēn wa n se wã, (Wēnd yard be a yīnga) a kō-b-la kibare, ti yē yãa Nabiyaamã (Wēnd puusg la A tigr be a yīnga) t'a yōk wala ko-kãngã yōkrã bilgri, la a kō-b kiba-noogo (Wēnd puusg la A tigr be a yīnga) ti ned ning sēn yōka koomã wala yē koomã yōkr bilgri, n puus rakaar a yiibu, ne Wēn-zoεga, la ning-m-yamē, a Soabã taoore, A Naam yi wagell n zēke, rakaar a yiibã pugē, rēnd Wēnd rond-a lame, a sēn yōk koomã ti pidã la Puus-kãngã sēn yaa Wēnd bal yīngã, Wēnd rond-a lame keore, n yaaf a zūnuub-rãmbã sēn reng taorã.

النجاة الخيرية  
ALNAJAT CHARITY

